

## Ing Talayatul

**A**nyang minunang panaun keng bunduk ning Arayat, ating metung a taung mekilala keng kayang tapang ampong king kayang sikan. Ing lagyu na, Apung Sinukwan. Payapa yang mabibie kayabe da reng animal keng kabundukan. Tutu yang maganaka anya a kálugúran nala deng miyali-aliwang lasip. Uli ning kayang makapagmulalang síknan, kabyasan ampong e ya mángabiran, gewa deng talayatul.

Misan a aldo, kabang lilibutan neng Sinukwan ing bunduk, linapit ya kaya i Ayup, at simbung ne i Tugak. E ya kanu mípatudtud i Ayup nabengi uling king kaynge na.

Peyawus neng Sinukwan i Tugak at kitnan ne nung tutu ing sumbung nang Ayup. Mekibat yang mitmung galang i Tugak, "Mayap a talayatul, tatakut kupung mipatanan keng bale nang Pau. Anya pin migkaynge ku uling manyawad ku pung saup."

"Ustu neman ing pakibat mu. Sige, malyari nakang muli," anang Sinukwan.

Tutuki neng peyawus ning talayatul i Pau. Kalupa nang tugak, kitnan ne iti. Sangkan ne mang mengatuliran.



“Kagalang-galang a Talayatul, anyang akit keng mamyalungang api i Alitaptap, tutu kung mitakutan. Pota pu kasi masilab ya ing bale ku. E pu wari ustu mung protektan ke ing kakung bale?” anang mengutang Pau.

“Wa pin naman!Malyari nakang muli,” anang Sinukwan.

Anyang tutuking aldo, i alitaptap naman ing kayang peyawus at kitnan. “Alitaptap,o’t mamyalungan kang api?” anang mengutang. Manene yang mekibat i Alitaptap, “Ini mu pu ing paralang agawa ku bang kanita ipakipaglaban ke ing kanakung sarili kang Amuk uling mamitbit yang palang.”

“Ing sinabi mu makatuliran. Malyari nakang muli,” anang Sinukwan.

Antimurin, pepayawus neng Sinukwan i Amuk bang mamye lino keng milyari. Dapot E ya mekapamye matibeng sangkan i Amuk nung bakit ya magdalang palang. Uli niti, ikulung de ba’ng miparusan ya. Manibat kanita e ne tinalan palang king takut nang miparusang pasibayu.

Karin, apatunayan da reng e gana-ganang lasip na ing apili rang talayatul biasa ya, e ya mangabiran.

